2:14-17

2 nāvur dādalir-bāyikniṭ! "nākun yēsu kiristun poro barosa manta" injer voror māynal vehtor iṇṭu bati, ad barosa matta tīr kām kiyveke, ātal barosa batatune kāmi siyo. ātal barosa māynan baci kiya paranta ki batal? baci kiya paro. ¹⁵ namunatun voror dādale āyi, seleke undi bāyiy āyi, tinle tiṇḍi selvak seleke, pōṇḍle

kapḍiṅg selvak matter iṇṭ. ¹⁶ aske miraṭ vōr dādan seleke, ad bāyin batay madat kiyvakne, vūr saṅga, "sāntite sonji, peṭimen tiṇṭu ani mēndol-men kapḍiṅg pōṇḍaṭ. aske mīkun garmi vānta. iv samdo mīkun bagavantal sīntor" injer sirip gosṭinen vehteke batay pāyda puṭo. ¹⁷ ade tīrde barosa manta injer vehci, barosa matta tīr kām kiyveke gir ātal barosa vontari āsi sānta.

© 2023 Wycliffe Bible Translators, Inc.

This project text is licensed under a CC 4.0 International License. This colophon line is the result of the project-level override working.